



→ **AGLAI** ←

✧ **ILLUNAINORTUT.** ✧

Nr.24

Nain,

Juni 1905.

Nr.24

G û d i n g o a t i k k i t a u v u t ,

K. 1914.

Afrikame, tessesûb Viktoriab Niansob ungatâne sulle nunakarpok kakkalîngmik, Ankonemik attelingmik. Sulle kaujijautsialungilak nuna tamna.

Nunab tapsoma attanînga Kivaya akkunit akkerartorpok, illaliorko jaugame ajokertuijungnik maggunnik. Ajoker-soak Tucker tagva Dezembereme 1899 me parngnailer-pok, nunab attanînga tilliormavlugo akkerartorningalo salagijomavlugo.

Iglugasaksuillo attaniublo iglunga takogaptigik sivorler-pâmik — taimak Tucker unipkârpok — issumavullo kuviasungnivullo kattalerput. Attanek iglokalungilak âna-naunersamik tuktuvakotiminit. Uvagut tuppiptingnik iglugasait siallatâne âkiksoivogut. Akkuniolungitok tagva tikkitokarpok okartomik, attaniub Kivayab takkojartorasuarmattigut. Issumakut siaklerpogut, kaggimioniarnip-tingnut mâna aulatauniarmat, pigiarungnarajarmangâpta okâlanermik nunangane. Tamanna pivlugo kajusidlarpogut, angerviojomavluta kemaijungnarkovluta ajokertuijungnik maggunnik kernertangnik tagvunga. Maggoertorluta kaggimiovogut akkunit. Kivaya angeromangilak



Passijak saungi jutiksamierpok sunatuinarnik. Okarpok nunamine kângnartokarmat ajokertuijuglo pattangaititaujungnaruiangimanik. Kuviasungniangilagôk nunangane iglobangilak tapkonunga assinginiglo sunatuinarnik okautekarpok. Nokkarlungilangale, attanek tilliorasuarlugo. Kaggimionipta aipangane Kivaya angersinnalerpok. Taimak Tucker okarpok.

Angerpoktauk ajokertuijok tamât imumik aitoromavlugik. Taimak ajokertuijersoak nâmaksilerpok angerarlunelo ama. Ankole kanilungimaringmat Ugandamit, ajokertuijub Tuckerib nunagijanganit, illainangane tussarungnalaukput taipkonangat. Okiname 1900me ajokertuijok Aron Mujinda parngnailerpok Ankolemêtut takojartorlugit. Tapsomalo takojanga sivorlerpâk kattimaviôvok angijok Kivayab iglungata seniare. Ajokertuijuk iglungak aperkutigivâ, tujormilunelo tapkonane.

Uvluk magguk tagvanêngmat suengartauniksanganut angajokâksoak Katikira, attaniub tuglia kailerpok neksarlunelo gûdingoakotiminik, sunatuinarniglo atulauktaminik angakkoktormermut okarlunelo, allaromagamigit. Ajokertuijok Aron kattimavingmut âtaukovait ikkitaulerkovlugit. Tagvungalo pigamik, Attanek tussarpok piniaromajanginik, perkojivok tagva iglome sângane ikkitaukovlugit. Attanerlo najorpaktangillo angajokâksuillo illunatik takonârput.

Katikirab kaitangit ikkoalamarilermatta inungittauk gûdingoakotitik kaipait egilugillo ikkomamut. Katikirab tagva nikovilune okautivait: „Gûdingoakotikka kaipakka issumannik, taimak pijomagama, piniarnera malliktau-



jariakangilarle illipsingnut." Inuille okautivât: „Gûdingoakotipta sunaunginingit illitarivavut, ajokertortaujomavogut." Tagva attaniub Kivayabtauk gûdingoakotine kaipait egilugillo ikkomamut, taimaglo Ankolemiut attautsikut uvlome attautseme nellojut illusingit ipperarpait Gûde issekangitek ungagijomavlugo kivgartoromavlugolo.

S. W.

S o r s u k t u k s a k n â l e t s i a r t o k .

Petere, „Angijoksoarmik" taijaujok, Russit attanerilauktangat unertuijomavlune, kanok tagvainartigijomik akkerartortaujungnangitigijomiglo sorsuktuksarne nâlengmangâta perkojaminik, sorsuktuksat illangat, nangerkatine nuvugusiub poktojub kângane, kaigarsugvigivâ tikoarlunelo unnunga nunamut okautivâ: Missigit! Tagvainak okausekarane attautsemiglônêt sorsuktuksak missikpok nunamut tokkovlunelo.

Angut tamna inolaukpok tokovlunelo nunab attananga Petere pivlugo, uvagullo inojuksaungilagût tokovlutalo inotigijivut tokotigijivullo pivlugô? Gûdib naletsiatuinar-kovâtigut tapsominga kunulugata, tunimmarikovâtigut uvaptingnik tapsomunga. Missikolurgilâtigut tokomut kuviasungnine piojorininely namaksititaukovlugo, nâlerkovâtigulle perkojaminik uvagut idluarkutiksaptingnut tapsomalo nertornautiksanganut. Mallinersarinajaruptigo inosivut kuvianarnersaungijaidlarajarput, kigligiutsinivullo tapsominga anginersaunajarpok. „Illipsingnik nangmineringilasse, akkitodlartomik pissiangomagapse," illa



Jésusib aunganut pivianartomut, taimaimat Gûde nertor-  
siuk timipsingne tarnipsingnelo, Gûdib tamakkoa  
perkutigingmagit. W. P.

### U v l u t a t t i n g i t .

Sôrlo takkît taimak uvluttauk attekartitaulerêrput itsak-  
soarme. Akiktaulaukput kaumajoksuit uvloritjallo  
attingit malliklugit. Sivorlingat attekartitauvok sekinerub  
uvlunganik—Sonntage, Sunday, aipanga takkerub uvlu-  
nganik—Montage, Monday, pingajuak Marsib uvlunga-  
nik, sittamangat Merkurib uvlunganik, tellimangat Jupi-  
terib uvlunganik, 6 ingat Venusib uvlunganik, 7 ingat  
Saturnib uvlunganik. Attiolauktut tamakkoa illangit  
nellautserkôngilat mâna, Romiut okausingit ablatsângor-  
titaulaungmatta. Attit attortavut mâna pivut Germanit  
okausinginit. A. M.

Dezembereme 1903 pujoliksuit ingergavut Amerikamit  
Europamut. Neufundlandib nellânêngmatta, mailit 100  
ungasigalloartillugit nunamit, inungit pekalujamik tak-  
kovut. Kingutikut kemergungmatsuk, pekalujab kânga  
aularkôrrok. Kaglivalliavut, tagva takkunârput nanornik  
6 nik pisuktunik pekalujarme. Kaningitoksoarmit piler-  
êrput. Pekalujak imarmut nerrominersauvalliajomut  
tuavi nungutauvallia vok. Ippinialaukpallaivut omajut  
illûnatik imarbiksoarme. A. M.

Takovose aglait ukkua Junimut illingalermatta.  
Taimailerput Augusteme sakkertokarniarungnairmat  
aglârsungnik mânमित, aujauningane sulliaksakamut  
assianik agviartauluakattarapta.